



АКАФИСТ


СВЯТИТЕЛЮ

НИКОЛАЮ

АРХИЕПИСКОПУ МИР ЛИКНИСКИИ
ЧУДОТВОРЦУ



СВЯТИТЕЛЬ
НИКОЛАЙ ЧУДОТВОРЕЦ



Дни празднования:

22 МАЯ И 19 ДЕКАБРЯ

АКАФИСТ

СВЯТИТЕЛЮ

НИКОЛАЮ

АРХИЕПИСКОПУ МИР АФИЙСКИХ
ЧУДОТВОРЦУ



Храм Успения Пресвятой Богородицы в Гончарах
Болгарское подворье

Конда́к 1

Розбра́нный Чудотво́рче, и изря́дний
Уго́днице Христо́в, ми́ру все́му источа́яй
многоценное ми́лости ми́ро, и неисчерпа́е-
мое чуде́с мо́ре, восхваля́ю тя любóвию свя-
тíteлю Нико́лае; ты же я́ко имéяй дерзно-
вéние ко Го́споду, от вся́ких мя бед свободи́,
да зову́ ти:

Ра́дуйся Нико́лае, вели́кий Чудотво́рче.

И́кос 1

Ангела о́бразом, земна́го су́ща естество́м,
яви́ тебе́ всея́ тва́ри Созда́тель; благо-
пло́дную бо добро́ту ду́ши твоея́ прови́дев
преблаже́нне Нико́лае, научи́ всех вопи́ти
тебе́ си́це:

Ра́дуйся, от утробы́ ма́терния очище́нный;
ра́дуйся, да́же до конца́ освяще́нный.

Ра́дуйся, рождéнием своимъ родите́лей
удиви́вый; ра́дуйся, си́лу душе́вную áбие по
рождестве́ яви́вый.

Ра́дуйся, са́де земли́ обетова́ния; ра́дуйся,
цвéте Божéственного саждéния.

Ра́дуйся, лозо́ добродéтельная виногра́да
Христо́ва; ра́дуйся, дре́во чудото́чное рая́
Иису́сова.

Ра́дуйся, крѣне ра́йскаго прозябе́ния; ра́-
дуйся, міро Христо́ва благоуха́ния.

Ра́дуйся, я́ко тобо́ю отгони́тся рыда́ние;
ра́дуйся, я́ко тобо́ю прино́сится ра́дование.

Ра́дуйся Нико́лае, вели́кий Чудотво́рче.

Конда́к 2

Рѣдяще твои́х мир излия́ние Богому́дре,
просвещаемся душа́ми и телесы́, дѣвна-
го тя мирото́чца живоносна Нико́лае разу-
мею́ще: чудесы́ бо, я́ко вода́ми благода́тию
Бо́жиею излива́ющимися, напаяеши ве́рно
вопию́щих Бо́гу: Аллилу́иа.

И́кос 2

Разум неуразумѣнный вразумляя о Свя-
тѣй Трѣо́ице, был еси́ в Никѣи со святы́ми
отцы́ побѣрник исповѣдания правосла́вныя
ве́ры: равна бо Отцу́ Сы́на исповѣдал еси́, со-
присносу́щна и сопресто́льна, А́рия же без-
у́мнаго обличил еси́. Сего́ ра́ди ве́рнии нау-
чи́шася воспѣва́ти тебѣ:

Ра́дуйся, вели́кий благоче́стия сто́лпе; ра́-
дуйся, ве́рных прибе́жища гра́де.

Ра́дуйся, твёрдое Правосла́вия укрепле́ние; ра́дуйся, честное Пресвяты́я Трои́цы носило и похвалёние.

Ра́дуйся, Отцу́ равночестна Сы́на пропове́давый; ра́дуйся, А́рия возбесившагося от Собора́ святы́х отгна́вый.

Ра́дуйся о́тче, о́тцев сла́вная красотó; ра́дуйся, всех богому́дрых премудра́я добро́то.

Ра́дуйся, о́гненная словеса́ испуща́яй; ра́дуйся, до́бре ста́до своё наставля́яй.

Ра́дуйся, я́ко тобою́ ве́ра утвержда́ется; ра́дуйся, я́ко тобою́ е́ресь низлага́ется.

Ра́дуйся Нико́лае, вели́кий Чудотво́рче.

Конда́к 3

Гило́ю да́нною ти свѣ́ше, слезу́ вся́ку отъя́л еси́ от лица́ лю́те стра́ждущих богоно́сне о́тче Нико́лае: а́лчущим бо яви́лся еси́ корми́тель, в пучи́не морсте́й су́щим изря́дный прави́тель, недугу́ющим исцеле́ние, и всем вся́к помо́щник показáлся еси́, вопию́щим Бо́гу: Аллилу́иа.

И́кос 3

Име́яше вои́стину о́тче Нико́лае с Небесе́́ песнь тебе́ воспева́ема быти, а не от зем-

ли: како бо кто от человек възмóжет твою святѣни величїя проповѣдати? Но мы любовїю твою побуждаеми, вопїем ти сїце:

Радуйся, образе агнцев и пастырей; радуйся, святое очистилище нравов.

Радуйся, добродетелей великих вместилище; радуйся, святѣни чїстое и честное жилище.

Радуйся, светильниче всесвѣтлый и вселюбимый; радуйся, свете златозарный и непорочный.

Радуйся, достойный Ангелов собеседниче; радуйся, добрый человекам наставниче.

Радуйся, правило веры благочестивыя; радуйся, образе кротости духовныя.

Радуйся, яко тобою от страстей телесных избавляемся; радуйся, яко тобою сладостей духовных исполняемся.

Радуйся Никóлае, великий Чудотворче.

Кондак 4

Буря недоумения смущает ми ум, како достойно есть пѣти чудеса твоя блаженне Никóлае? Никтоже бо может я исчезти, аще бы и многи языки имел, и глаголати восхо-

тѣл; но мы дѣивно Бѣгу в тебѣ прославляющемуся, дерзаем воспѣвати: Аллилуиа.

Икос 4

Глышаша богомудре Никѣлае бжннии и дальнии величие чудес твоих, яко по воздуху легкими благодатными крилами навькл еси сущих в бедех предваряти, скоро от тех избавляя всех, вопиющих к тебе таковая:

Радуйся, избавление от печали; радуйся, подаение благодати.

Радуйся, нечаемых зол прогонителю; радуйся, желаемых благих насадителю.

Радуйся, скорый утешителю в бедѣ сущих; радуйся, страшный наказателю обидящих.

Радуйся чудес пучино, Богом излиянная; радуйся закона Христова скрижали, Богом писанныя.

Радуйся, крепкое падающих возведение; радуйся, право стоящих утверждение.

Радуйся, яко тобою всякая лесь обнажается; радуйся, яко тобою всякая истина сбывается.

Радуйся Никѣлае, великий Чудотворче.

Конда́к 5

Боготéчная звезда явѣлся еси́, наставляя по мóрю плавающих люте, ѣмже смерть предстояше вскóре иногда́, аще не бы ты предстал еси́ призывающим тя в по́мощь, Чудотворче святы́й Никóлае; ужé бо несты́дно бесом лета́ющим, и погрузи́ти кораблі́ хотящим запрети́в, отгна́л еси́ их, верныя же научи́л еси́ спасающему тобо́ю Бо́гу взыва́ти: Аллилу́иа.

И́кос 5

Видеша отрокови́цы, на брак сквэрный нищеты́ ради уготованныя, вели́кое твоё к нищим милосéрдие преблаже́нне óтче Никóлае, егда́ ста́рцу родителю их но́щию узельцы́ три злата таяся по́дал еси́, сама́го со дщэ́рьми избавляя от падéния грехóвнаго. Того́ ради слы́шиши от всех си́це:

Ра́дуйся, мѣлости превели́кия сокрóвище;
ра́дуйся, промыслéния о лю́дех при́телище.

Ра́дуйся, пи́ще и отра́до к тебé прибега́ющих;
ра́дуйся, хлéбе неснеда́емый а́лчущих.

Ра́дуйся, богáтство бédне живу́щим на земли́, Бо́гом да́нное;
ра́дуйся, воздвѣжение скóрое убóгих.

Ра́дуйся, бы́строе ни́щих услы́шание; ра́дуйся, скорбя́щих прия́тное попече́ние.

Ра́дуйся, три́ех дев непоро́чный невестите́лю; ра́дуйся, чистоты́ усердны́й храните́лю.

Ра́дуйся, ненаде́жных наде́яние; ра́дуйся, всего́ ми́ра наслажде́ние.

Ра́дуйся Нико́лае, вели́кий Чудотво́рче.

Конда́к 6

Пропове́дует мир весь тебе́ преблаже́нне Нико́лае, ско́раго в беда́х заступника: я́ко мно́гажды во еди́нем часе́, по землі путеше́ствующим, и по мо́рю пла́вающим, предва́рря пособствуеши, кúпно всех от злых сохрани́я, вопи́ющих к Бо́гу: Аллилу́иа.

И́кос 6

Возсия́л еси́ свет живото́ный, избавле́ние нося́ воево́дам, неправедную́ смерть прия́ти иму́щим, тебе́ до́брый па́стырю Нико́лае призыва́ющим, егда́ вско́ре я́влься во сне царéви, устраши́л еси́ его́, сих же неврежде́нных отпу́стити повеле́л еси́. Сего́ ра́ди с ни́ми кúпно и мы благода́рственно вопи́ем ти:

Ра́дуйся, усёрдно призыва́ющим тя помо-
га́й; ра́дуйся, от непра́веднаго уби́ения из-
бавля́й.

Ра́дуйся, от ле́стных сохраня́й клеветы́;
ра́дуйся, непра́ведныя разруша́й сове́ты.

Ра́дуйся, растерза́й лжу́ яко паучи́ну; ра́-
дуйся, возноша́й сла́вно исти́ну.

Ра́дуйся, непови́нных от уз разреше́ние;
ра́дуйся, и мертвецёв оживле́ние.

Ра́дуйся, проявителью́ пра́вды; ра́дуйся,
помрачи́телю непра́вды.

Ра́дуйся, яко тобою́ непови́ннии изба́вле-
ни от мечá; ра́дуйся, яко тобою́ наслади́ша-
ся све́та.

Ра́дуйся Никóлае, вели́кий Чудотво́рче.

Конда́к 7

Хотя́ богоху́льное еретиче́ское отгна́ти
злосмра́дие, ми́ро воистину́ благово́н-
ное та́инственное яви́лся еси́ Никóлае: лю́ди
Мире́йския упáсл еси́, и весь мир своимъ бла-
годáтным ми́ром испо́лнил еси́. И от нас у́бо
богоме́рзкое грехо́вное злосмра́дие отжени́,
да благоприя́тно Бо́гу вопие́м: Аллилу́иа.

И́кос 7

Но́ваго тя Но́я, наста́вника ковче́га спаси́-
тельнаго разумеем о́тче святы́й Нико́лае,
бу́рю всех лю́тых разгоня́ющаго направле́-
нием своим, тишину́ же Божество́нную при-
нося́щаго вопи́ющим тако́ва́я:

Ра́дуйся, обуре́ваемых ти́хое пристáнище;
ра́дуйся, утопа́ющих изве́стное храни́лище.

Ра́дуйся, пла́вающих посреде́ пучи́н до́-
бры́й ко́рмчий; ра́дуйся, трево́лнения мор-
ска́я уставля́ющий.

Ра́дуйся, превожде́ние су́щих в ви́хрех; ра́-
дуйся, согре́яние су́щих во мра́зех.

Ра́дуйся, сия́ние ско́рбный мрак разгоня́ю-
щее; ра́дуйся, свети́ло вся концы́ земли́ про-
свеща́ющее.

Ра́дуйся, от бе́здно грехо́вныя челове́ки
избавля́й; ра́дуйся, в бе́здну а́дскую сатану́
вверга́й.

Ра́дуйся, я́ко тобо́ю дерзнове́нно бе́здну
милосе́рдия Бо́жия призыва́ем; ра́дуйся, я́ко
тобо́ю от пото́па гнева́ изба́вльшеся, мир с
Бо́гом обрета́ем.

Ра́дуйся Нико́лае, вели́кий Чудотво́рче.

Конда́к 8

Стра́нное чу́до явля́ется притека́ющим к тебе́ блаже́нне Нико́лае, свяще́нная тво́я це́рковь: в ней бо и ма́лое моле́ние прино́сяще, ве́лиих недúгов прие́млем исцеле́ние, а́ще то́кмо по Бо́зе упова́ние на тя возло́жим, ве́рно вопи́юще: Аллилу́иа.

И́кос 8

Весь еси́ всем вои́стину помо́щник богоно́се Нико́лае, и собра́л еси́ вку́пе вся прибега́ющия к тебе́, я́ко свободи́тель, пита́тель и врач ско́рый всем земны́м, на похвалу́ всех подвизая вопи́ти к тебе́ си́це:

Ра́дуйся, всяких исцелéний исто́чнице; ра́дуйся, лю́те стра́ждущим помо́щнице.

Ра́дуйся, зарé сия́ющая в но́щи грехо́вней блужда́ющим; ра́дуйся, росó небото́чная в зно́и трудо́в сущим.

Ра́дуйся, подава́яй тре́бующим благостроéние; ра́дуйся, уготовля́яй прося́щим изоби́лие.

Ра́дуйся, мно́гажды проше́ние предва́ряяй; ра́дуйся, ста́рым седи́нам си́лу обновля́яй.

Ра́дуйся, мно́гих заблуждших от путі́ истиннаго обличителю; ра́дуйся, таин Бóжих вѣрный служителю.

Ра́дуйся, яко тобою́ зависть попира́ем; ра́дуйся, яко тобою́ благона́вное жити́е исправля́ем.

Ра́дуйся Никóлае, вели́кий Чудотво́рче.

Конда́к 9

Рсякия утоли́ болѣзни вели́кий наш заступниче Никóлае, растворя́я благодатная врачевáния усладя́ющая ду́ши на́ша, сердца́ же веселя́ющая всех усердно́ к по́мощи тво́ей притека́ющих, Бóгу же вопи́ющих: Аллилу́иа.

И́кос 9

Ретія́ суемудренныя нечестивых вѣдим тобою́ посрамленныя богомудре́ отче Никóлае: А́рия бо ху́льника разделя́ющая Божество́, и Савѣллія смеша́ющая Святу́ю Троицу, препре́л; нас же во Правосла́вии укрепил еси́. Сего́ ра́ди вопи́ем ти си́це:

Ра́дуйся, щите́ защища́яй благоче́стие; ра́дуйся, мечу́ посеца́яй злоче́стие.

Ра́дуйся, учи́телю Божественных велений;
ра́дуйся, губи́телю богопроти́вных учений.

Ра́дуйся лэ́ствице Бóгом утверждённая,
ёюже восходи́м к Небеси́; ра́дуйся покрóве
Бóгом зданный, ѿмже покрыва́ются мно́зи.

Ра́дуйся, немудрых умудри́вый твоими
словеси́; ра́дуйся, лени́вых подви́гнувый
твоими нра́вы.

Ра́дуйся, свётлосте заповедей Бóжиих неу-
гаси́мая; ра́дуйся, луче́ оправда́ний Господ-
них пресвётлая.

Ра́дуйся, я́ко учением твоим сокруша́ются
ерети́ческия главы́; ра́дуйся, я́ко тобо́ю ве́р-
нии сподобля́ются сла́вы.

Ра́дуйся Никóлае, вели́кий Чудотво́рче.

Конда́к 10

Г пасти́ хотя́ ду́шу, плоть твою́ ду́хови по-
корил еси́ воистину́ о́тче наш Никóлае:
молча́ньми бо прэ́жде и борёнными с по́мыс-
лы, дея́нию богомы́слие приложи́л еси́, бо-
гомы́слием же ра́зум соверше́н стяжа́л еси́,
ѿмже дерзнове́нно с Бóгом и А́нгелы бесе́-
довал еси́, всегда́ вопия́: Аллилу́иа.

Їкос 10

Гтенá есі похваляюцим преблаженне чудеса тво́я, и всем к заступленію тво́ему прибега́ющим; те́мже и нас в добродѣтели убо́гих, от нищеты́, напа́сти, недуѓов и нужд разлічных свобожда́й, вопіющих ти с любовію тако́ва́я:

Ра́дуйся, от убо́жества вѣчнаго изымáяй; ра́дуйся, богáтство нетлѣнное подава́яй.

Ра́дуйся, бра́шно негíблющее áлчущим прáвды; ра́дуйся, питіе неисчерпа́емое жа́ждущим жízни.

Ра́дуйся, от мятéжа и бра́ни соблюда́яй; ра́дуйся, от уз и пленéния свобожда́яй.

Ра́дуйся, преслáвный в бедáх заступниче; ра́дуйся, превелікий в напáстех защítниче.

Ра́дуйся, многіх от погíбели исхítивый; ра́дуйся, безчísленных невреждѣнно сохрáннйый.

Ра́дуйся, я́ко тобо́ю лю́тыя смёрти грѣшнни избегáют; ра́дуйся, я́ко тобо́ю жízнь вѣчную ка́ющіися получа́ют.

Ра́дуйся Никóлае, велікий Чудотворче.

Кондак 11

Пение Пресвятей Троице паче иных при-
нёсл еси преблаженне Николае, умом,
словом и делом: многим бо испытанием
правовёрная повеления уяснил еси, верою,
надеждою и любовью, наставляя нас в Трои-
це Единому Богу воспевати: Аллилуиа.

Їкос 11

Светозарную лучу во мраце жития сущим
неугасимую, видим тя Богом избранне
отче Николае: с невещественными бо ан-
гельскими светы, беседеши о несозданном
Троическом Свете, верных же души просве-
щаеши, вопиющих ти такова:я:

Радуйся, озарение Трисолнечнаго Света;
радуйся, деннице незаходимаго Солнца.

Радуйся, свеще Божественным пламенем
возжженная; радуйся, яко угасил еси бесов-
ский пламень нечестия.

Радуйся, светлое правоверия проповеда-
ние; радуйся, доброзрачное света евангель-
скаго сияние.

Ра́дуйся, мо́лние е́реси пожига́ющая; ра́-
дуйся, гро́ме устраша́ющий соблазняя́щая.

Ра́дуйся, и́стиннаго нау́чителю ра́зума;
ра́дуйся, та́инственнаго изъяв́ителю ума́.

Ра́дуйся, я́ко тобо́ю попра́са поклонение
тва́ри; ра́дуйся, я́ко тобо́ю науч́ихомся по-
кланя́ться Творцу́ в Трѳице.

Ра́дуйся Нико́лае, вели́кий Чудотво́рче.

Конда́к 12

Б лагодать да́нную ти от Бо́га све́дуции,
ра́дующеся твою́ па́мь прáзднуем по
до́лгу, пресла́вный о́тче Нико́лае, и к чу́д-
ному заступле́нию тво́ему́ вседу́шно при-
тека́ем; пресла́вных же тво́их дея́ний, я́ко
песка́ морска́го и мно́жества зве́зднаго ис-
честі́ не могу́ще, недоуме́нием объя́ти бѳв-
ше, вопи́ем к Бо́гу: Аллилу́иа.

И́кос 12

П ою́ще тво́я чудеса́, восхваля́ем тя все-
хва́льне Нико́лае: в тебѳ́ бо Бог в Трѳице
прославля́емый дѳвно просла́вился. Но а́ще и

попремно́гу составленныя от души́ псалмы́ и пѣсни прино́сим ти Чудотворче святы́й, ничто́же творимъ ра́вно дарова́нию чудѣс твои́х, ѡмже удивля́ющесе вопи́емъ к тебѣ такова́я:

Ра́дуйся, Царя́ ца́рствующи́х и Го́спода го́сподствующи́х служи́телю; ра́дуйся, служи́телей Его́ небѣсныхъ сожителю.

Ра́дуйся, лю́дем вѣрнымъ помо́жение; ра́дуйся, ро́да христиа́нскаго возвыше́ние.

Ра́дуйся, побѣды́ тезоимени́тый; ра́дуйся, венце́ноче наро́читый.

Ра́дуйся, всехъ добродѣтелейъ зерца́ло; ра́дуйся, всехъ притека́ющихъ к тебѣ крѣпкое забра́ло.

Ра́дуйся, по Бо́зе и Богоро́дице, все на́ше упова́ние; ра́дуйся, теле́с на́шихъ здра́вие и душъ спасѣ́ние.

Ра́дуйся, ꙗ́ко тобо́ю от вѣчны́я смѣрти свобожда́емся; ра́дуйся, ꙗ́ко тобо́ю безконѣ́чныя жи́зни сподобля́емся.

Ра́дуйся Нико́лае, вели́кий Чудотворче.

Конда́к 13

О пресвяты́й и пречу́дный о́тче Никóлае, утешéние всех скорбя́щих, ны́нешнее на́ше приими́ приноше́ние, и от геéнны избавитися нам Го́спода умоли́, богоприятным твои́м ходата́йством, да с тобо́ю воспевáем: Аллилу́иа.

Этот Конда́к читается трижды, зате́м 1-й и́кос «А́нгела о́бразом...» и 1-й Конда́к «Возбра́нный Чудотво́рче и изря́дный уго́днице...»



Моли́тва пе́рвая святите́лю Никола́ю

О всесвятый Николае, угодниче презрѣд-
ный Господень, теплый наш заступни-
че, и везде в скорбех скорый помощниче!
Помози ми грешному и унылому, в настоя-
щем сем житии, умоли Господа Бога даро-
вати ми оставление всех моих грехов, елико
согреших от юности моея, во всем житии
моём, делом, словом, помышлением и все-
ми моими чувствами; и во исходе души моея
помози ми окаянному, умоли Господа Бога
всея твари Содетеля, избавити мя воздуш-
ных мытарств и вечного мучения: да всегда
прославляю Отца, и Сына, и Святаго Духа, и
твое милостивное предстательство, ныне и
присно, и во веки веков. Аминь.

Моли́тва второ́я

О всеблагий отче Николае, пастырю и учи-
телю всех верою притекающих ко твое-
му заступлению, и теплою молитвою тебе
призывающих! Скоро потщися, и избави
Христово стадо от волков губящих е; и всяку
страну христианскую оградй и сохрани свя-
тыми твоими молитвами, от мирскаго мя-
тежа, труса, нашествия иноплемеников

и междоусобныя брани, от глады, потопы, огня, меча и внезапныя смерти. И якоже помиловал еси трех мужей в темнице сидящих, и избавил еси их от царева гнева и посечения мечнаго, тако помилуй и мене, умом, словом и делом во тме грехов суща, и избави мя гнева Божия и вечныя казни. Яко да твоим ходатайством и помощию, Своим же милосердием и благодатию, Христос Бог тихое и безгрешное житие даст ми пожити в веке сем, и избавит мя от шуияго стояния, сподобит же деснаго со всеми святыми во веки веков. Аминь.

Молитва третья

О всехвальный и всечестный архиерею, великий чудотворче, святителю Христов, отче Николае, человеке Божий и верный рабе, мужу желаний, сосуде избранный, крепкий столпе церковный, светильниче пресветлый, звездо осиявающая и освещающая всю вселенную. Ты еси праведник, яко финикс процветший, насажденный во дворех Господа своего, живый в Мирех, миром благоухал еси и миро приснотекущее благодати Божия источаяй. Твоим шествием, пресвятыи отче, море освятися, егда многочисленныя твоя мощи шествоваху во

град Бѣрскій, от востока до запада хвалити
имя Господне. О претворный и предивный
чудотворче, скорый помощник, теплый
заступник, пастырю предобрый, спасаю-
щий словесное стадо от всяких бед! Тебе
прославляем и тебе величаем, яко надежду
всех христиан, источника чудес, защитите-
ля верных, премудраго учителя, алчущих
кормителя, плачущих веселие, нагих одея-
ние, болящих врача, по морю плавающих
управителя, пленников свободителя, вдов
и сирот питателя и заступника, целомудрия
хранителя, младенцев кроткаго наказателя,
старых укрепление, постников наставника,
труждающихся упокоение, нищих и убогих
изобильное богатство. Услыши нас, моля-
щихся тебе и прибегающих под кров твой,
яви предстательство твое о нас к Вышнему
и исходатайствуй твоими богоприятными
молитвами вся полезная ко спасению душ
и телес наших: сохрани святую обитель сию
(или храм сей), всякий град и весь, и всякую
страну христианскую, и люди в них живу-
щая от всякаго озлобления помощи тво-
ей; вемы бо, вемы, яко много может молитва
праведнаго, спешествующая во благое;
тебе же праведнаго, по преблагословенней
Деве Марии, предстателя ко всемирно-
вому Спасу мамы, и к твоему, преблагий
отче, теплomu ходатайству и заступлению
смирэнно притекаем: ты нас соблюди, яко

бóдрый и дóбрый пáстырь, от всяких врагóв, губительства, трóса, града, глáда, потóпа, огня, мечá, нашéствия иноплемéнников, и во всяких бедáх и скóрбех нáших подава́й нам рúку пóмощи, и отвéрзи двéри милосéрдия Бóжия: понéже недостóйни есмý зрéти высотú небéсную, от мнóжества неправд нáших, связани úзами грехóвными, и никóлиже вóли Создáтеля нáшего сотвори́хом, ни сохрани́хом повелéний Егó. Тémже преклоня́ем колéна сокрушéнна и смире́нна сéрдца нáшего к Зиждítелю своему́, и твоегó отéческаго заступлéния к Немú прóсим: помози́ нам, угóдниче Бóжий, да не погíбнем со беззакóнии нáшими, избáви нас от всякаго зла и от всякия вéщи сопротивныя, упрáви ум наш и укрепí сéрдце нáше в прáвой véре, в нéйже твоим предстáтельством и ходáтайством, ни рáнами, ни прещéнием, ни мóром, ни кóим гнэвом от Создáтеля своего́ умáлени бóдем, но мíрное zde поживéм житиé и да сподóбимся вíдети благáя на землí живы́х, слáвляще Отцá и Сы́на и Свята́го Дúха, едíнаго в Трóице слáвимаго и поклоня́емаго Бóга, ны́не и прíсно и во вéки векóв. Аминь.



Редакция Митрополита Платона (Левшина) XVIII век.

АКАФИСТ
СВЯТИТЕЛЮ НИКОЛАЮ
АРХИЕПИСКОПУ МИР АФИЙСКИХ
ЧУДОТВОРЦУ



*Рекомендовано к публикации
Издательским советом Русской
Православной Церкви*

ИС Р15-525-3463

ХРАМ СВЯТИТЕЛЯ НИКОЛАЯ
НА БОЛВАНОВКЕ



Москва
ул. Верхняя Радищевская, д. 20



Храм Успения Пресвятой Богородицы в Гончарах
Болгарское подворье